

國立北京大學研究  
院文史叢刊第一種

崇禎存實疏鈔

卷三上



崇禎存實疏鈔目錄

崇禎六年正月

初八日

吏部一本

又一本

兵部一本

又一本

又一本

又一本

巡視廠庫給事中等官文書等本

刑科給事中吳甘來一本

四川道試御史盧經一本

強賊越城行劫等事

題看實可進等罰俸調簡

皇仁浩蕩等事

題太康伯張國紀蔡比前例進封侯爵

預整戰守之局等事

覆監視閩寧太監題戰兵糧情守兵糧營馬價補馬事宜

酌議招練等事

題山水巡撫咨以宋紀調補左營遊擊

叛首被戮等事

題李賊被戮賊黨斂懼該撫監鎮設法急攻

塘報事

覆監視登島太監呂直題應勅校臣審明陳忠具奏

年終稽覈錢糧等事

題奉叢舖戶陳敬等久領預支銀拖欠錢糧勅部參究

泰運將新等事

題拜命高祝願就妻任人振起新猷

仰體皇上求治等事

題崇禎禮贖臣中律法預備兵餉暫行開採等項

刑科給事中李世祺一本

軍政重治等事 題請戎任能職在樞家願召二臣面講求之

工部一本

恭報新置留等事 題湖廣皆迭督甲進呈御覽

禮部高署員外郎事書彙編本

主聖臣直等事 奏南部臣周鑾疏指內臣望賜優容

初九日

吏部一本

缺官事 題推福建布政使司右叅議

又一本

督官事 題推江西按察司副使

又一本

督官事 題推山西按察司副使

兵部一本

秦盜稍得清理等事 覆陝西總督洪承疇題秦音諱將蓋歸曹文詒調度

監視薊鎮東協太監張國元一本

遠哨事 題前鋒哨至駱駝山吏部接連等情

初十日

吏部一本

督官事 題推雲南按察司副使

戶部一本

漕糧拖欠等事 覆監視薊鎮太監鄧希詒題督糧道嚴寧包攬親驗乾潔



又一本

庫貯各項實等事 題督師傅文閣庫錢糧無憑議還該庫開銷

兵部一本

流寇再犯濟西等事 覆河南巡撫樊尚燦題會兵恭聽豫撫調度

又一本

塘報事 題遼東巡撫方深塘報失情

又一本

江盜黨流劫等事 覆應天巡撫莊祖誨題蔣之俊改補劉河守備

兵部等部一本

導旨明白具奏事 覆旨鎮督治侯何題昌兵缺額招補立營

工部一本

經制略定等事 題撫臣楊嗣昌復請益甲缺額銀奉會總理庫銀那補

又一本

預整戰守之高等事 題關寧邊兵立營議將廠庫益甲酌發

又一本

訪獲埋藏軍器事 題蘇州等州府積通軍器貴以帶從察昭免天降罰

又一本

察參報起解等事 題浙江省起解軍器延緩立限該撫核去訖

總理戶兩部監張彝憲一本

參處解餉奉管等事 題奉領解差官樊問知解餉日久未到

又一本

請旨會同諸辱等事 題軍場小脚準旨黑爛初部科道折案察驗

日講官禮部侍郎王應熊一本

言官造誣不情等事 奏被言賜片

十一日

禮部一本

戶部一本

工部一本

刑部等衙門一本

戶科都給事中許世盡等一本

福建道試御史祁彪佳一本

督發關寧後恭監高起潛一本

監視煎鎮西協太監鄧希詔一本

刑科給事中李世祺一本

中府經歷司經歷孫一經一本

遵奉明旨等事

題年終備開闕出欽賞見貯銀兩候領員名

經費督繁自出等事

題五年編審縣禁賭屬衙察隱冒編定進報

年終督勸等事

題歲終考成苦無職名題明察賢另行題參

遵奉勅諭事

題謹遵聖諭備陳漸除事宜

欽奉明旨事

題本科給事中吳國瀨接督卷數餉務

仰體皇仁等事

題條具民苦帶徵預徵蠲免等事

塘報事

題難民供稱岳將斬獻三賊門子洩露等情

邊疆緊要等事

題邊地先寒春秋兩班併發興工

聖度以虛受等事

題事周鍊具疏本當祈息必實有

偽官結黨通虜等事

題手執單款叫冤宋之相乞初衙門擬罪正法

吏部尚書臣李長庚等謹

題爲強賊越城行劫文武怠玩疎防謹據實糾參以儆積玩  
以重城守事考功清吏司案呈崇禎伍年拾壹月貳拾陸  
日奉本部送吏科鈔出兵部署部事左侍郎楊一鵬題前  
事職方清吏司案呈崇禎伍年伍月拾肆日奉本部送兵  
科鈔出直隸巡按胡志藩題崇禎肆年捌月貳拾貳日奉  
都察院勘劄捌月拾伍日准兵部咨該前按臣胡良機題  
前事等因本月初叁日奉

聖旨據奏縣城縱盜劫掠出入自如文武各官好生玩愒劉以  
守范學周等俱著分別議處雲中南路諸城係何官管理一  
任軍丁占隱道臣清釐原屬專責何云勅部責成著胡良機  
嚴行振飭仍察明所屬姓名并廢弛情形具奏該部知道欽

此欽遵移咨備劄前來奉此俱經案行該道嚴察去後續據分守冀北道山西按察司副使竇可進呈稱蒙此俱經備行大同府遵炤節行事理并駁批情節逐一清理復察及守催去後今據該府申稱隨經備行南路復察去後今據該路通判萬代新牒稱隱占之弊種種不一有備把諸人苦無役糧或因書寫奔走暫免差操者有姦頑書隊借事朦朧及至臨點雇張作李者有無恥青衿結把市猾或全名自占或半分其督弁屬不敢指斥州縣莫可誰何者沿習已久武備全弛此所以劇盜入城而軍士不敢櫻其鋒也緣繇具開到府該知府張仰之看得南路各城堡軍士隱占有人冒餉有數廢弛情形該路備言無復再議緣繇開冊到道看得南路諸城逼近山西草梁山與代州振

武衛村堡地相錯壤年來征調頻繁民力已竭於是草寇  
嘯聚橫肆劫掠而應山一帶逼處其間本道嚴督官兵特  
勤勦堵寇盜聞風遠避地方似相安矣不謂突有山陰城  
之素封郭一俊多金慢藏致劇盜生心操刀入室攫金越  
城而出該城縣令守備縣所巡捕把總提封百里保安四  
境乃其職掌何嚴城之中夥賊公行若罔聞知荷戈乘障  
之卒焉往擊柝巡警之兵何在事關地方咎將誰諉則典  
守者難辭其責矣今縣官守備已經具疏叅劾其馬邑應  
州懷仁西安與山陰接壤雖境內無虞然影射積習若出  
一轍均有冒占之弊則均難免弛備之咎宜分別併議今  
據府路俱經一一清察指名似無遺漏緣繇具呈炤詳該  
前御史胡良機批詳語未便回

奏該道斟酌另詳蒙此隨經備行大同府逐款逐名一一對質根究妥確分析列款造冊議詳及守催去後今據該府申稱看得設立軍士月給糧餉時加操練以備戰守也豈容各項隱占糜餉壺

國哉今逐款逐名察審明白備造草冊統候轉達回

奏或按法究處或令改圖自新申詳到道看得南路陸城堡守操印捕把總等官以及生員隊識隱冒軍士於中弊習本道前詳已備言之矣但彼時原據州縣守操經歷等官開報事多游移尚無的據今蒙批駁若非拘執面質終難成案恐畱辯隙事闕回

奏不得不爲慎重但地方既遠弁屬多員占役人衆一時拘集未便備行大同府就近逐款逐名一一嚴究今據該府

申詳前來本道覆審逐款質議惟是人數衆多不便入招  
謹造細冊伏候裁奪回

奏除馬邑城守備張于魏已該大同監視內臣劉文忠疏叅  
解京山陰城守備范學周日前失事已經別案議罪外等  
因於崇禎伍年參月初陸日呈詳到臣該臣細加簡核中  
間占冒名項尚未名列覆行駁察去後本年肆月貳拾柒  
日據副使竇可進覆詳造冊到臣臣謹會同大同巡撫張  
廷拱看得雲鎮諸路俱瀕虜巢獨南路陸城設在腹裏自  
款貢以後邊塞教寧玩愒廢弛所繇來漸矣方今東西多  
故盜賊充塗而在事各官乃敢泄沓玩縱虛冒若此臣等  
遵奉

明旨再三嚴察至隱占官軍俱已細核詳確其清釐整頓道臣

原屬專司權無可諉其管理廳官則陞任嘗三錫見任萬代新亦應爲法受過責無可辭至隱占軍糧不法官生姓名備造細冊徑送部科察核不敢瑣塵

御覽其原經失事知縣劉以守被劾去任訖守備范學周等業已開明擬罪另疏具

奏外伏乞

勅下兵部再加察核酌議上

請行臣等逐款分別正罪具

奏施行等因崇禎伍年伍月拾叁日奉

聖旨兵部知道欽此欽遵鈔出到部送司案呈到部看得雲中

南路各城占隱軍丁相沿爲弊者非止壹人自守操印捕把總等官以及廢弁生員隊識無不有占歲糜額餉操練



無聞何怪盜賊之公行而無忌哉按臣駁察至再業經該道兩報姓名俱已詳確如先任叅將今已故褚堯庚守備王士俊王志平蕭維劉管成指揮王選黃鉞千戶鄭九邊周麟許承爵陸奕忠鄧毓秀百戶談經汪應吉許首薦金學孔巡捕周鎮邊千總郝起調操守張允聖把總奚貢鄉官總兵宋偉生員景象傅勳夏從新隊識楊攷陳天興楊冲劉伯祥王居簡曹主劉選李廷相黃金葉仁嘗士可林七一宋晉受張英林鐵柱蘇士良馬玉等皆應

勅下該按究問分別所占之多寡而輕重擬罪者也若道臣專司察覈而實可進不聞釐剔管理廳官陞任嘗三錫見任萬代新甘同猫鼠俱應聽吏部議處其失事知縣劉以守與守備范學周等已經被劾另擬無容復議矣既經具題

前來相應覆

請伏候

命下遵奉施行等因崇禎伍年拾壹月貳拾叁日奉

聖旨軍丁原備守禦乃占冒侵餉以致盜賊縱橫殊可痛惡本

內守操等官都革了職併各員役著該巡按御史提問分別

追擬具奏竇可進嘗三錫萬代新俱著吏部議處奏奪欽此

欽遵鈔出到部送司案呈到部看得竇可進職在清釐任

人隱占至盜發無荷戈之士城中有失事之虞是豈所以

肅微循而飭邊政乎念已經降肆級姑令罰俸壹年嘗三

錫萬代新經管糧餉坐視虛糜責以見任職司何辭踈縱

固其繇來已非壹日陞任亦難辭愆合無將今陞永平府

同知嘗三錫就原任通判調簡僻用萬代新於見任降壹

級管事既經兵部具題前來相應覆

請合候

命下臣部移文各該撫按衙門遵照施行

崇禎陸年正月初陸日

初捌日奉

聖旨占軍冒餉漫無清覈以致盜劫公行道廳各官所司何事  
實可進著再降一級萬代新降二級俱炤舊管事嘗三錫以  
通判降二級用

此以行三陽謂... 望自古罕習所... 人... 宗... 今... 餘... 財...

吏部尚書臣李長庚等謹

題爲

皇仁浩蕩篤親誼渥懇乞

聖明恩隆一視恪察

舊制以昭

曠典以優懿戚事驗封清吏司案呈奉本部送崇禎伍年拾貳

月拾壹日吏科鈔出中軍都督府帶俸少保太康伯張國

紀奏稱竊臣中土豎儒叨列

國戚際遇不長久虛

盛典幸值

聖主開天仁覆廣布念臣爲

懿安皇后之父加之宮階進之伯爵

恩出踰涯揣分知媿安敢妄生覬覦諸如護送

光宗貞皇帝梓宮并大祥行禮又如

熹宗愍皇帝梓宮發引係臣忝充奠獻使并傾

勅護侍及小祥大祥直宿

祭告屢蒙

恩遣以至奉安

熹宗愍皇帝神主最稱鉅典獨臣效有勞蹟至於助工助餉犒軍

運米一切急公微念又先諸戚而首倡者臣俱未敢循例

妄瀆嗣後存值

大典甘守向隅凜凜惟隕越是懼所有

誕育聖儲

兩立青宮際此隆遇臣亦未敢輕冀加恩今當

璇星歲周

命名禮成

少海澄波正

君父萬年之長呼高侍澤實臣子一日之遇臣因是備察得戚臣凡遇  
特典無不享有侯封如

孝元皇太后之弟郭振明封博平侯

孝定皇太后之姪李誠銘封武清侯

孝靖皇太后之姪王天瑞封水寧侯

孝和皇太后之兄王昇封新城侯獨臣忝屬

懿安皇后之父勞蹟似倍諸戚

恩數未蒙一視此列侯榮封臣不得不仰遵

舊制控頷於

聖明之前而期

曠典之聿新者也况

皇上孝友普著萬國歡騰值此

聖誕伊邇之辰諸凡遐邇臣子列在班行者見臣一旦得廁侯

封之末則莫不知

皇上之特恩馭臣因知

皇上之特恩遇

懿安皇后矣有不普天同慶也哉伏乞

皇上察炤博平侯等例

予晉侯爵俾臣得身膺五等之榮自永夫

萬壽之祝

曠典昭而



皇仁均矣等因崇禎五年拾貳月初拾日奉

聖旨該部知道欽此欽遵欽部送司案察天啓肆年拾月內該  
少傅兼太子太傅前軍都督府帶俸博平侯郭振明奏乞  
比例進封侯爵等因奉

聖旨郭振明係

皇妣懿親自當從優著炤王昇例進封侯爵祿米依舊支給該部  
知道欽此隨該本部覆

請爵名奉

熹宗皇帝聖旨是郭振明准進博平侯欽此又該後軍都督府帶  
俸少保兼太子太保永寧伯王天瑞奏乞比例進封侯爵  
等因奉

聖旨朕念

皇祖妣誕育劬勞仰體

皇考孝思推恩外戚自當優渥王天瑞准炤例進封侯爵祿米炤

舊支給該部知道欽此隨該本部覆

請爵名奉

熹宗皇帝聖旨是王天瑞准進永寧侯欽此欽遵今該前因通察

案呈到部看得張國紀

璇宮懿戚久沐

皇恩茲因屢次

大典效勞思欲仰邀

異數援

列朝篤親之舊例希

聖主反愛之新恩計

喜宗在天之靈亦必爲之欣慰者既經具奏前來又察有博平侯

郭振明等前例可援相應炤例題

請但

恩典出自

朝廷臣等未敢擅便伏乞

勅下臣部遵奉施行

崇禎伍年拾貳月貳拾柒日

陸年正月初捌日奉

聖旨懿親加恩自有酌裁已有旨了以後該部察例還宜確覈



兵部尚書臣張鳳翼等謹

題爲預整戰守之局以爲制虜急著事職方清吏司案呈奉  
本部送該監視薊鎮東協署理關寧太監張國元題稱竊  
炤疆場喫緊無過關寧今再奉

明旨驅逐夷僧而喇嘛及今三至屢據回鄉口供四酋已離巢  
西行旦夕狂逞戰守之策誠不容一刻緩者今將關內外  
兵馬通行整頓戒嚴以備勦禦蓋分合不預定臨事未免  
葛藤戰守不先分則當機或生觀望所宜亟爲料理者也  
今就臣監視信地自永平至寧錦延袤陸米百里馬步軍  
兵經制已定所食糧餉按月給散戰守勦禦責復何辭臣  
炤得關內以守爲戰守兵不妨於多關外以戰爲守戰兵  
不妨於倍而戰守之兵又當分額定制則平時訓練戰者

一意習戰守者一意習守將士臨期自無推諉調度之法誠莫過此矣臣自出關閱捌城察勘經制其額設馬步軍兵經制米萬員名臣以戰守之數分而策之合無統將捌城兵馬總計其數每城酌用守兵若干其餘兵丁悉挑其精健馬步相兼立爲貳大營以爲應援之兵其山海壹鎮除肆路各邊守城守邊之外亦將撫鎮道標下兵丁挑出馬步立爲一營如寧錦之制步兵專習火攻營伍短兵接戰馬兵以備衝殺邀截其經管將領擇其驍勇傑鷲慣經戰陣者一遇警報各營將兵輕裝宿飽呼吸立應其派守之兵日習城守號令火攻諸法虜犯關外則關內戰兵急出夾擊虜犯關內則關外戰兵速入援截勢如率然奇正間出無事之時仍就各城信地朝夕訓練則我之兵雖分

而實合雖寡而實衆虜縱狡逞而我堅甲利兵星馳電擊足制其死命矣臣之議原非經制之外有所更張添設不過就額設之兵特加整飭使兵將之心確然各就其所職掌不致於玩愒推諉如前混雜而誤軍機也但今兵丁馬匹器械盔甲缺少者尚多其該撫鎮道所設處者固自不遺餘力其無米之炊實難措置者伏乞

勅下該部作何處置星夜發來入伍訓練以備戰征庶可少寬聖明東顧之憂爲一時備禦之算也臣已會同山水撫鎮道臣楊嗣昌等及寧錦撫鎮道臣方一藻等僉議相同合行題請管窺愚見未審果否合宜乃臣草疏已畢據回鄉屢報逆奴西行旦暮不測東協極衝之地調度戍守最宜加倍今新題經制如建昌路新兵各營已設一協將足以提擬燕河

路界嶺青山箭桿各營已有一鎮臣足以指麾而石門路  
有極衝之口數處雖設有肆營漫無統攝恐臨敵難於調  
度宜設一協將煇建昌路冷口之制其兵則不過就新兵  
各營擇其居中要害者去一營將設一協將隆其體統給  
以關防竝無添兵增賞之擾而事權確有歸一則責成易  
而臂指之勢聯矣此亦撫鎮道諸臣所共酌議者非臣敢  
私議建設也事勢緊迫不避憚煩顛

告伏乞

勅下該部詳議施行等因崇禎伍年拾貳月貳拾捌日奉

聖旨該部看議速覆欽此欽遵到部送司案呈到部看得奴使  
參來參拒慚憤必甚固當有一狂逞今邊臣所傳離巢西  
行之說卽其嚆夫矣監臣商確戰守兵之分派具見籌邊



苦心卽前部臣肆陸精嘗之議亦已默寓戰守之分而近日撫臣進陸爲捌減肆爲貳與監臣并貳求精之議似更妙於戰守之不分矣蓋守兵之不能戰者有之未有戰兵而不能守者今使果能捌精貳嘗則固已戰兵多守兵寡矣又况在捌精之上乎人盡堪戰而誰不堪守者然奴利野戰不利攻城則我兵又當以守爲實著而不以戰爲嘗試者故戰兵當於精中更擇其精不在於多守兵當於精中差擇其嘗不貴於少善用兵者精嘗平日預定戰守一呼便集今經制之定久矣至此時而始分戰分守紛紜更置將邊臣之居平料理何事乎臣部以爲撫鎮道經營旣久不應復有疎漏

皇上但以戰守機宜責成之或分或合聽其隨宜損益似不必

代爲謀違爲制也卽參協舊制壹大帥參副將聯絡策應何嘗不密今東協增一大帥矣石門各爲肆營不過一路而有一路將又添一協得無十羊九牧乎卽建昌之設協恐亦非久計似應聽鎮臣之約束爲長若關內關外之有急互應誠輔車唇齒之誼有必不容諉者至於馬匹器械之缺少盡責邊臣設處恐難立辦除器甲聽工部議覆外所請馬匹先經臣部題發太僕寺寄養馬參百匹再支庫貯節裁銀伍萬壹千爲關門市駿之需今察有陝西苑馬寺解至太僕寺伍年分正馬并補馬共伍百匹該寺議發寄養目今夷氛蠢動合無一併押解該監分給寧錦以供哨探可也旣經奉

旨看議相應覆

請伏候

命下遵奉施行

崇禎陸年正月初陸日

初捌日奉

聖旨關寧嚴備奴逞已有屢旨一切戰守分合機宜該撫鎮平時必預行料理今但須申明號令鼓勵精強有犯卽摧聞警協應以圖萬全勝著不必違請致誤軍機馬匹准炤數給與其蠢動情形著遠偵明確不時馳奏



兵部尚書臣張鳳翼等謹

題爲酌議招練兵馬存留募補事宜仰請

聖裁施行事職方清吏司案呈奉本部送准山水巡撫楊嗣昌  
咨稱本月初貳日准兵部咨該本部題覆前事奉

聖旨這驍騎伍營其水兵城守兵營各分派命將事宜俱依議  
所請關防條記著禮部鑄給欽此欽遵備咨到院除朱國柱  
馬友功楚繼功劉肇基等行令任事水營見擇府佐借租  
造船及另議將領外察得親丁壹營已

准分立應用都司統領部疏內稱撫臣自有稔知堪用之人非  
他卽招練鎮中軍都司宋紀是也本官父任遼左久歷衝  
邊且明智計練鎮初設一切治兵除械料理頗盡其能本  
院擬置親營以資籌畫近因左營移駐平山內有先年烏

兵王奉龍等潛想出關藉端生釁詎及本官叅將黃得功  
幾於不安其位隨遣紀任彈壓遂復帖然今已踰月在平  
山者聞集立市採木建房欣然成久駐之營而自關外搬  
取家口前來至無壹兵越逸調馭亦云善矣若黃得功起  
自行伍目不知書誤用主文之人且多醉飽之夫已暫解  
其兵柄商之鎮道咸謂摧鋒敢戰驍勇實罕其倫貳卯干  
城棄之更爲可惜畱置標下違短用長必有可觀後效則  
此貳官總在院屬互相更調宋紀以原官都司管驍騎左  
營遊擊事黃得功以原官叅將管親丁營都司事可也遵  
炤部題近例員缺一面委署一面咨補擬合咨請爲此合  
咨前去兵部煩請察炤更調具題施行等因到部送司案  
呈到部看得關撫標下新立親丁壹營應設都司壹員統

領訓練撫臣楊嗣昌原擬以守備宋紀填補前缺近因職  
騎左營移駐平山內有烏兵懷土生衅本管叅將黃得功  
不能籠馭遂致飛語詬詈噴有煩言賴宋紀調停而軍心  
帖服撫臣因請以宋紀調補職騎左營遊擊員缺其黃得  
功雖誤用匪人而驍雄沉鷲撫臣不欲以貳卵棄之擬將  
調管標下親丁以策後効察能授任俱有攸當相宜如議  
調用以資料理第宋紀原官守備非都司也體統輕恐不  
足彈壓合量加都司職銜管左營遊擊事可耳既經具咨  
前來相應題

請伏候

命下將宋紀量加都司僉書職銜管職騎左營遊擊將軍事黃  
得功以原官叅將職銜管山水巡撫標下親丁管都司事

崇禎陸年正月初五日

初捌日奉

聖旨是

（Faint vertical text, likely bleed-through from the reverse side of the page, containing various characters and possibly names or titles.)



兵部尚書臣張鳳翼等謹

題爲叛首被戮叛黨思逃懇

勅調集舟師水陸夾勦以收全局以杜禍蔓事職方清史司案  
呈奉本部送該山東巡撫朱大典題稱自大兵圍登以來  
賊每出闖圍悉李九成統衆挑戰兇惡悍獍不畏死拾  
壹月拾壹日被箭落馬免脫入城亦可少挫其氣矣乃初  
貳日復持鳥槍徒步犯我壕塹自恃器精技巧可擇人命  
中其氣甚梟鋒甚毒也乃我兵壹鼓奮銳殺賊甚多九成  
遂頭中參刀脖中壹刀而死羣醜擁屍而入哭泣之聲達  
於城外越壹日據難民口供九成之妻妾爲孔有德所逼  
縊死又以壹人壹馬爲殉同所衣蟒玉焚而瘞之矣自是  
賊衆鼠伏狼顧無復大隊闖圍之事擒獲難民周全供稱

李九成死後各賊分定船隻派定水手又將裝運賊夥名數榜於船面見今領出藤灰桐油星夜修船等情據此則避海一著端不虛矣蓋賊首中惟陳有時李九成最稱桀驁敢當我軍其向來踞登黃陷招平而久圍萊郡者悉二渠爲前鋒

天厭其惡有時砲殛於門村九成刃死於城下有德等方殷脅齒之懼羣脅從亦動狐兔之悲膽無有不落者避海一著勢固不得不然乎臣與監按諸臣謀之樹納降旗於牆外射免死帖於箭端或以離其交或以散其黨多方以間之毋奈狡賊之威劫術籠衆不爲動也斯時不急攻之轉眼春和必且揚帆四出若攻之急而海腹不堅堵截無具且不待春和鼓柁去矣則陸資水以壯聲援水亦資陸以爲倚

角可不詳籌而熟計乎登船蚤爲賊踞所存寥寥旅順關  
寧已成畫餅所幸津撫鄭宗周本憂時熱血出濟變弘猷  
無船而募船無兵而設兵吐嗟立辦以千人配參拾艘於  
拾壹月初柒日已抵丁河唯是以壹船修桅致各船阻東  
迄今尚膠河口距登柒百餘里將來恐海冰已解而河冰  
未泮卒難得其力耳頃者島帥黃龍差官領餉往該鎮手  
本向臣索船赴旅載兵而不知登若有船自能設法出海  
又不須仰援於鄰鎮矣若是而龍其足恃乎爲今之計惟  
有仰藉淮安江北之水犀

慨發參千駕坐原艦星速赴登布列於長山廟島之間臣等督  
率馬步兵丁參面攻打使賊陸不能櫻水無所避籠烏釜  
魚人心潰亂瑕乃可乘或一鼓而登埠或聚謀而縛獻計

崇禎不年正金  
日可期否則明恃出海爲沽路雖有驍騎驍將何能制其  
死命使之息心悔禍將終聽其奔逸流毒滋大耳臣准部  
咨內奉有淮揚等處整勵嚴防之

旨竊料彼中水兵久已整棚以待臣愚謂此賊與其逼之既出  
海之後不若堵之於未出海之先卽欲畫地分防與其逼  
之於既入境之後又不若堵之於未入境之先倘其飭備  
船兵部署能將統領抵登同臣等合力夾勦較之待賊臨  
境而收焦爛之功難易自倍是江淮水營之調援誠時刻  
不容緩者也再炤元兇賊首連殺其貳見在孔逆等如翦  
雙翼如失兩手我兵奮銳敢不謂奇但賊膽愈寒無心戀  
戰我兵徂勝未免生驕一有懈弛倘爲謀者窺伺九仞一  
簣千係殆非細故也臣同監按諸臣嚴檄鎮道轉行將領

倍加偵哨一切攻具器藥俱已充裕相機勦取不遺餘力  
固不敢株守而待帆檣亦不敢以海爲卸而置水濱於不  
問也伏祈

勅下兵部再加覆議速調淮揚水兵參千星馳援勦併申飭鎮  
將整備戰守一體遵奉施行殘疆幸甚微臣幸甚等因崇  
禎陸年正月初貳日奉

聖旨逆賊通誅水陸夾勦屢旨申嚴乃烏師久怯不前津師又  
藉口修桅阻凍離登寥遠至江淮整備雖經預飭果否水兵  
船隻一呼立應有濟目前且旣稱賊中渠殲黨亂亟宜乘機  
銳擊設法招降蚤圖底定豈容刻懈致誤春和縱逃兵部馬  
上馳飭仍將調發事情確議速覆欽此欽遵到部送司案呈  
到部除隨卽馬上馳飭外看得逆賊食盡計窮必思逃遁

遊海壹著委宜嚴防撫臣欲得江淮水犀參千布列於長山廟島擁戈船而夾擊誠爲必勝之圖察淮揚兵久奉

明綸未見作何整糊臣部差官陸守仁於前月催督迄今亦未得回音即使饒有帆檣恐大海茫茫難期風汛況江淮船平底涉海又非所宜卽來亦不過防廟灣等處臣部當再遣官促發然而無濟於目前也關寧水兵已於本月初貳日差官鄭逢時飛咨調取倘得波臣助順或不難鼓柁而前卽可會合津師協謀進剿惟是春融凍解我可揚舡東下賊亦能夜出天橋矣幸今李賊被殲賊衆搖搖不定正合張疑設伏盡力急攻此時內應果真當必有斬賊酋來獻者

明旨所謂乘機銳擊設法招降已盡行師之妙是在該撫監鎮

多方鼓勵無失事機耳既經奉

旨確議相應覆

請伏候

命下遵奉施行

崇禎陸年正月初某日

初捌日奉

聖旨淮揚水兵既稱不便著整檄督發移泊近海相機防禦關  
寧兵船飛檄調取會同津師併力扼殲其招攜奇聞事情已  
有屢旨著該撫監等官深計密圖爾部卽行馳諭

自是年春始... 崇禎元年... 崇禎二年... 崇禎三年... 崇禎四年... 崇禎五年... 崇禎六年... 崇禎七年... 崇禎八年... 崇禎九年... 崇禎十年... 崇禎十一年... 崇禎十二年... 崇禎十三年... 崇禎十四年... 崇禎十五年... 崇禎十六年... 崇禎十七年... 崇禎十八年... 崇禎十九年... 崇禎二十年... 崇禎二十一年... 崇禎二十二年... 崇禎二十三年... 崇禎二十四年... 崇禎二十五年... 崇禎二十六年... 崇禎二十七年... 崇禎二十八年... 崇禎二十九年... 崇禎三十年... 崇禎三十一年... 崇禎三十二年... 崇禎三十三年... 崇禎三十四年... 崇禎三十五年... 崇禎三十六年... 崇禎三十七年... 崇禎三十八年... 崇禎三十九年... 崇禎四十年... 崇禎四十一年... 崇禎四十二年... 崇禎四十三年... 崇禎四十四年... 崇禎四十五年... 崇禎四十六年... 崇禎四十七年... 崇禎四十八年... 崇禎四十九年... 崇禎五十年... 崇禎五十一年... 崇禎五十二年... 崇禎五十三年... 崇禎五十四年... 崇禎五十五年... 崇禎五十六年... 崇禎五十七年... 崇禎五十八年... 崇禎五十九年... 崇禎六十年... 崇禎六十一年... 崇禎六十二年... 崇禎六十三年... 崇禎六十四年... 崇禎六十五年... 崇禎六十六年... 崇禎六十七年... 崇禎六十八年... 崇禎六十九年... 崇禎七十年... 崇禎七十一年... 崇禎七十二年... 崇禎七十三年... 崇禎七十四年... 崇禎七十五年... 崇禎七十六年... 崇禎七十七年... 崇禎七十八年... 崇禎七十九年... 崇禎八十年... 崇禎八十一年... 崇禎八十二年... 崇禎八十三年... 崇禎八十四年... 崇禎八十五年... 崇禎八十六年... 崇禎八十七年... 崇禎八十八年... 崇禎八十九年... 崇禎九十年... 崇禎九十一年... 崇禎九十二年... 崇禎九十三年... 崇禎九十四年... 崇禎九十五年... 崇禎九十六年... 崇禎九十七年... 崇禎九十八年... 崇禎九十九年... 崇禎一百年...



兵部尚書臣張鳳翼等謹

題爲塘報事職方清吏司案呈奉本部送該登島監視太監  
呂直題稱崇禎伍年拾貳月初伍日據副總兵吳安邦塘  
報本職屢奉相機勦賊之檄除嚴飭在船官目遵依外於  
拾貳月初叁日據原差赴各島燒荒舵工楊應時等回稱  
長山尚有遼賊在彼煎鹽以供城內賊用等語職謂鹽薪  
均係賊中急需之物夫旣已遣船沿燒而煎鹽之賊尤當  
勦捕以窘其用本日偶值順風差海防左營中軍周陞帶  
領加銜守備胡光國劉用世千總王之里把總厲應元陳  
文學座駕捕盜張科蔣時斌顧忠王忠於國泰唬船伍隻  
統帶兵丁捌拾名於貳更時分開洋去後至初肆日辰時  
各船回信據中軍周陞報稱本月初貳日蒙本鎮差本營

舵工楊應時駕船往長山等島燒荒當差跟役戴祚密囑偵探燒鹽情形於本月初叁日據祚回稱長山王家溝有鹽場幾處煮鹽窩鋪卑職隨報本鎮蒙差卑職督同守備千把總胡光國劉用世千總王之里把總厲應元阮國相等督駕捕盜張科戰船伍隻乘夜飛渡至伍鼓時各船隨至王家溝比時黑霧迷空未便登鞞卑職傳令各船靜泊口外黎明與光國等鼓衆一擁而上行至里許賊見我兵突截各穿紅帽紅衣挺戈相拒後見職等大隊齊至搥命奔逃陳文學石有成等忙追當時刺死遼賊割取首級叁顆擒獲煮鹽難民孫烏張起亮等共玖名其鹽場所貯樵採及煮積食鹽盡行燒燬并打壞煮鹽大鐵鍋伍口見獲鍋伍口賊捨貳杆賊刀貳把紅帽肆頂紅號衣壹件及審

各難民供稱所斬遼賊內有壹名張得第認係專管燒鹽  
守備後因雲霧大作且聞賊船屯泊長山廟島數多因令  
各船收兵歸信等因初陸日又准總兵陳洪範手本爲密  
遣民船拏獲從賊船兵事本月初肆日據副將衛天中塘  
報備稱奉遣職等初壹日帶領官丁喻思賢等肆拾名卽  
駕預先所覓民船叁隻前到黑山廟島暗去燒船燒草行  
至長山近岸望見山上有瞭望火光暗地上岸登山搜獲  
從賊船兵水手方汝遠等壹拾肆名到職隨發生營副將  
史大勳審據方汝遠等供稱向在黃總鎮下海防左營張  
弘驃下喫糧玖月拾壹日蒙黃總鎮差副將龔正祥帶領  
遠等前往登州水城北門貳拾柒日攻打水門貳拾捌日  
因風大打破船隻逃奔長山島躲避本日又遇白叅將帶

船陸隻亦被風打壞船同在長山島住劄不意賊於拾月初貳日統領多船前赴島中搬運柴草遇敵被擒將遠等安插在島發付賊將戴夏貳遊擊收管打草燒鹽延命又據方奇供稱向在水城賣酒生理因兄方大順托付王千總於拾壹月貳拾貳日隨賊船出島打柴遇叔方汝遠畱在島中打草又據吳從化等供稱玖月初伍日隨吳副總兵往廟島本日攻打水門玖月貳拾捌日壞船奔避長山島拾月初貳日聞賊吳副總兵駕船往南因船少人多化等不能跟隨逃匿小甸子石洞內因見方汝遠等來島同謀扎筏思渡不意初叁日卽被賊擒燒鹽打草又據張應元等供稱玖月貳拾壹日俱隨叅將白來譽從三山廟島防守被風打壞船隻遇賊拏住只得投順在島本月初貳

日蒙差衛副將按山捉獲各等情又審得陳思忠正遇衛副將擒拏忠卽將腰牌拋海拒敵方奇衣服異等帶有銀戒指等物且親兄見在水城閣當托付王千總往島打草出入自如其情形語言似皆甘心從賊者今據審前情據此復審無異看得方汝遠等拾貳名原係各鎮將船兵被風颶鬧逃奔島中雖爲賊役使亦勢不得不從與甘心投順者有間情似可原至於陳思忠旣知官兵到島不卽歸順且將腰牌拋海拒敵方奇親兄鬧當水城出入自如則貳賊無辭於從賊之跡矣各等因到臣准此該臣看得各島潛賊一面盤踞海中掣舟師之肘一面載運鹽草延旦夕之命是逆賊退身窟穴而遙藉聲援者也今周陞衛天中各有擒獲亦足徵同讎之志而奪逆賊之氣矣等因崇

順伍年拾貳月貳拾捌日奉

聖旨該部看了來說欽此欽遵到部送司案呈到部看得賊以  
島爲生路運草煎鹽絕無顧忌衛天中周陞等能輕舟梭  
緝擒斬多人亦制賊一奇惟止戰船伍隻民船叁隻萬一  
遇賊高檣而出不幾以扁舟爲孤注耶此後更宜多方布  
置賊寡則可分擒賊衆則能合擊始爲海防要著耳至於  
生擒方汝遠等拾貳名勉強爲賊役旣與陳思忠方奇之  
甘心從賊者有問應

勅下該按臣逐一審明務得情實分別具奏其周陞衛天中先  
行紀錄俟事平一併彙敘可也旣經奉

旨看議相應覆

請伏候

命下遵奉施行

崇禎陸年正月初陸日

初捌日奉

聖旨方汝遠等併陳思忠等著該巡按御史確審實情分別奏  
奪周陞衛天中准與紀錄候敘其防海控島多方布置事宜  
著該撫監詳籌嚴飭行

崇禎初設科書策論不  
學問則備入書亦與  
聖旨於後意等則則  
行記詳後事等則則  
日在籍兩處亦五月  
命可也本此計



巡視廠庫工科等衙門給事中等官臣文士昂等謹

題爲年終稽覈錢糧察叅姦玩員役以祛積蠹事案炤先准

工部營繕清吏司手本該巡視廠庫工科等衙門給事中  
等官萬象春等條陳凡遇年終本科道備將工部一應預  
支銀兩及外解等項錢糧有拖欠日久不行補納者有投  
批到部全未上納者亦有錢糧固完批號未銷徑自逃回  
者悉行察叅仍立爲定則歲一舉行等因該工部覆奉

欽依欽遵在卷今炤年終例應察覈備將各該未完事件移文  
工部營膳等四司回覆前來臣等逐一細加察覈除營繕  
都水屯田三司開無舖窯等役拖欠預支及各司領銀違  
限未久并工程未完者俱免槩叅外察得虞衡司舖戶陳  
敬等久領預支銀兩未經扣銷或見在延捱不畏追比或

脫逃日久尚未拘獲均屬違玩法應參究至四司所隸省直歷年拖欠未完額解錢糧一併開列催解伏乞

勅下該部將陳敬等察覈分別應追比者嚴行追比應參問者炤例送問應提究者咨行各該撫按嚴加提究其各省直府州縣官雖考成之法三五申令竟玩視

上供軍需等銀輸將軍至自非地方有事寧無侵那別項情弊似當察明嚴催并行題叅庶姦玩知警積弊可除錢糧完納有期而臣等之職掌少盡矣

計開

舖戶陳敬承辦後遼貓竹葦蓆天啓貳年陸月內領

過價銀肆千柒百貳拾兩

已完銀貳千柒百柒拾兩玖錢玖分肆釐伍毫柒

絲

未完銀壹千玖百肆拾玖兩零伍釐肆毫叁絲

鋪戶陳敬承辦援遼鐵彈天啓貳年米捌月內領過

價銀陸千伍百柒拾柒兩肆錢陸分鐵彈並

未上納

鋪戶陸棟承辦援遼鐵彈天啓貳年米捌月內領過

價銀陸千伍百兩

已完銀伍千叁百零柒兩柒錢捌分肆釐

未完銀壹千壹百玖拾貳兩貳錢壹分陸釐

鋪戶陳敬承辦援遼硝磺天啓叁年肆月內領過價

銀伍千伍百兩

已完銀肆百貳拾捌兩肆錢

未完銀伍千零柒拾壹兩陸錢

以上肆項拖欠年久不完屢經題叅歷奉

明旨咨行浙江撫按守提婁文質正身屢行咨催未到

守備張左高天啓貳年承辦軍需廠城守竹木等項

領過價銀叁千壹百陸拾肆兩水腳銀伍百

兩本官提解到部監故行文原籍拘拏家屬

變產屢行咨催未到

舖戶許志陞承辦南部崇禎肆年分例銅貳拾萬斤

南部咨報發過銀壹萬貳千兩南部咨報先

解銅鉛拾萬斤於本年捌月初陸日解北交

納見過務銅鉛貳萬伍千斤其餘未經過務

交納

舖戶徐奇領司錢壹千兩應辦銅鉛捌千叁百叁拾  
叁斤叁兩

已完銅鉛柒千肆百斤

未完銅鉛玖百叁拾叁斤叁兩著落保人諸章名  
下追比交納

舖戶史汝霖傳誠瑚徐允達領司錢壹萬兩該辦銅  
鉛捌萬叁千叁百叁拾叁斤

完過銅鉛柒萬肆千捌百壹拾柒斤陸兩俱係徐  
允達傳誠瑚完訖

未完銅鉛捌千伍百壹拾伍斤拾兩係史汝霖名  
下全欠

各省直拖欠四司額解銀共柒拾肆萬壹千柒百伍拾

伍兩陸釐貳毫伍忽捌微肆纖貳沙

營繕司未完銀貳拾萬陸千伍百壹拾壹兩叁千捌分  
柒釐貳毫貳絲壹忽伍微伍纖

虞衡司未完銀壹拾捌萬肆千貳百壹拾玖兩壹錢玖  
分壹釐伍毫陸忽伍微玖纖貳沙

都水司未完銀壹拾肆萬玖千捌百柒拾捌兩貳分肆  
釐

屯田司未完銀貳拾萬壹千壹百肆拾陸兩肆錢叁釐  
肆毫柒絲柒忽柒微

崇禎伍年拾貳月貳拾捌日

陸年正月初捌日奉

聖旨據奏省直歷欠四司額解銀兩多至七十餘萬如何該部

未見察叅平時但稱匱乏著行奏明仍將追徵責成事宜嚴  
議具奏其姦舖久領預支延捱逃躲法應提究追比通著聞  
列來看工部知道

崇禎元年... 崇禎二年... 崇禎三年... 崇禎四年... 崇禎五年... 崇禎六年... 崇禎七年... 崇禎八年... 崇禎九年... 崇禎十年... 崇禎十一年... 崇禎十二年... 崇禎十三年... 崇禎十四年... 崇禎十五年... 崇禎十六年... 崇禎十七年... 崇禎十八年... 崇禎十九年... 崇禎二十年... 崇禎二十一年... 崇禎二十二年... 崇禎二十三年... 崇禎二十四年... 崇禎二十五年... 崇禎二十六年... 崇禎二十七年... 崇禎二十八年... 崇禎二十九年... 崇禎三十年... 崇禎三十一年... 崇禎三十二年... 崇禎三十三年... 崇禎三十四年... 崇禎三十五年... 崇禎三十六年... 崇禎三十七年... 崇禎三十八年... 崇禎三十九年... 崇禎四十年... 崇禎四十一年... 崇禎四十二年... 崇禎四十三年... 崇禎四十四年... 崇禎四十五年... 崇禎四十六年... 崇禎四十七年... 崇禎四十八年... 崇禎四十九年... 崇禎五十年... 崇禎五十一年... 崇禎五十二年... 崇禎五十三年... 崇禎五十四年... 崇禎五十五年... 崇禎五十六年... 崇禎五十七年... 崇禎五十八年... 崇禎五十九年... 崇禎六十年... 崇禎六十一年... 崇禎六十二年... 崇禎六十三年... 崇禎六十四年... 崇禎六十五年... 崇禎六十六年... 崇禎六十七年... 崇禎六十八年... 崇禎六十九年... 崇禎七十年... 崇禎七十一年... 崇禎七十二年... 崇禎七十三年... 崇禎七十四年... 崇禎七十五年... 崇禎七十六年... 崇禎七十七年... 崇禎七十八年... 崇禎七十九年... 崇禎八十年... 崇禎八十一年... 崇禎八十二年... 崇禎八十三年... 崇禎八十四年... 崇禎八十五年... 崇禎八十六年... 崇禎八十七年... 崇禎八十八年... 崇禎八十九年... 崇禎九十年... 崇禎九十一年... 崇禎九十二年... 崇禎九十三年... 崇禎九十四年... 崇禎九十五年... 崇禎九十六年... 崇禎九十七年... 崇禎九十八年... 崇禎九十九年... 崇禎一百年...



刑科給事中臣吳甘來謹

題爲

奏運將新

高呼同慶敬陳日新之要以當萬年之祝事臣珥筆無長進參

梧掖感被

恩遭未知所報拜

命之初適忭集

虹祥春回

鳳曆太平有道之長繩繩振起臣際遇颺言思所以稍有當於

嵩祝者竊惟商湯之銘盤也曰苟日新日日新又日新自崇禎

元年積而至今伍年亦日新之遞呈也然而

皇上所以日新者非徒歲月而在夫治

國家理人民也且夫新之象爲生生不已日之極爲悠久無疆歲漸月砥無旦夕之効而有遠大之功則自伍年陸年以至千萬年治泰邱隆民安物阜尤

皇上日新之遞至也

皇上英明振作宵旰爲勞無刻不整釐無事不綜核乃至諸臣難憑權宜別出所欲一新

中興美蹟者甚亟而臣顧回頭細數之肆年伍年以前若人才可疑也錢糧可問也兵馬可察也刑罰可明勅也邊垣營堡器具可從新料理也而自近載以來所收用人實效者何若錢糧逐一算結稍有節存者何若兵馬兜底察明漸見實在者何若法司訟獄漸覺明允省罰者何若牆堡之堅殿工作之疎密不借稽察爲冒破者何若且方茲歲

序歷更而用人行政糧餉兵馬法紀營繕實可收效於陸  
年終者又將安在

乾運正長

鼎圖方壯必一一而勤

至尊之聰明瑣瑣而煩

聖明之睿察中外臣工能不作報無地臣愚謂受任各有主者  
責成誰能旁卸當此百弊具別之時雖才具短長難副

明作而

功令森布共慮身名但使肺腸盡滌精神竝起卽件件未必  
停妥著著尚需了會津涯有在要領可尋夙累暫除新氣  
特鼓功罪不必張皇疑信總聽

聖鑒集彼忠益定致雍熙自古聖帝明王卽有矯勵之法尤有

執要之法更有從容感動之法刻舟求劍者有之見塗張  
弧者有之然而將成大者不取小將致遠者不旁顧我

皇上宜何如深思焉

祖宗立法挈然具備成規故在未之有改顧貳百餘年來有極治  
之時亦有滋亂之時者何也則以行法者或未得其精神  
徒拘其迹似也臣嘗考周官之法精粗畢具矣乃孔子之  
對魯公則曰爲政在人取人以身修身以道修道以仁後  
儒註曰必有關雎麟趾之精神而後可以行周官之法度  
然則大綱小紀

會典誥令律例諸書致治之成規也書稱率祖易贊包荒神  
而明之存乎其人

皇上修德凝道與春好生從諫如流任賢勿貳嘉與大小諸司

暢茂新猷則致治之

聖主也逐事究詰新矣而綱舉目張則更新明罰勅法新矣而赦過宥罪則更新萬心凜懼新矣而一心愛戴則更新彼爲一時之振飭此爲長治之永圖其理悠遠其數生生耳

誦

聖德者曰四時之氣俱備按月令者曰方春而行仁政臣不避謏劣所祝

聖壽無疆願

皇上深切迴環者始終此日新之說焉伏惟  
皇上俯賜詳納幸甚

崇禎伍年拾貳月拾玖日

陸年正月初捌日奉



四川道試御史臣盧經謹

題爲仰體

皇上求治之心謹酌必收之效以策太平事臣以乙丑進士戊辰授行人伍年馳驅未有靖獻荷蒙

聖恩拔置西臺詢所職掌則執法糾察風紀之司而軍

國利害得與謀焉其任綦重是用聞

命飲冰朝夕兢兢思可副

皇上勵精求治之心以酬

高厚萬一者而仰見

皇上聰明神聖洞灼治原禁賄賂以肅官方明法紀以儆姦邪

軍

國之利害亦既見徹始末矣臣卽竭忠抒赤寧有他道惟是

聖慮已及而未嘗施行以收實效則其間有機權焉在一實行一撥轉而治效可立奏者敢以芻蕘之見一披瀝之

皇上任事用人必先才品故嚴禁賄賂以肅官方臣謂禁已然不如禁未然則莫若崇節義重廉恥而賄風自熄何也賄賂所以成風者爲行賄者得利而修行者無利也我

國家勵俗維風原以與之虛名卽爲實利故文章理學事功節義之臣可相高也而乃以相習今俗趨富厚徂獯無等錢神有靈而苦節者似不可貞矣且用其才諂掩其名節僞才售而名節又輕矣臣恭讀

皇上冊立

皇太子詔內有云或奇節至行可以勵俗維風者訪實奏聞以憑徵召欽此臣觀今已終年未見舉行則奇行之不蒙實



利亦可知已臣昔奉使入黔聞貴陽之圍固守叁百日而  
城完杳無稱者今年萊州之圍固守捌閱月而城完此其  
間節義忠貞比於睢陽功德百之而萊賞未頒則亦何以  
策復登之氣而鼓義士之風乎臣以爲凡屬節義廉恥之  
所關者上自

朝廷所當優禮下至鄉國閭巷所當振勵褒重獎借皆有實事  
實利以風其始養於學宮徵於州縣薦於撫按小如鄉飲  
大如辟召至於奏聞賜爵勿與貲郎同科官之品望半參  
鄉評卽老在林泉亦有阜白生樹月旦沒嚴謚法則人誰  
不勵青名以取重而甘爲溝壑之阜乎是熄賄之本也  
皇上飭法明刑必求當罪故累煩

批駁以嚴漏網臣謂嚴宜在下寬宜在上以爲固結人心之機

崇禎不年正金 三卷  
何也刑者非爲所刑也

朝廷刑壹人寬壹人則恩威所在人心係焉故立國者凡事皆可相奉惟讞法一節上下寬嚴必使相濟以養和平之福然人臣爲君守法授之律令無敢出入法外之仁惟天子得以行之亦惟上有法外之仁而下方可行其嚴下可受怨而上不可不令天下德也故嚴宜於下而寬宜於上有堯曰宥之三故臯陶得曰殺之三一宥而天下誦堯仁矣今天下人心何如乎水旱盜賊賦役爲苦東省未靖觀望巨測流寇尚橫山海多虞臣謂渠魁必殲嚴在將臣而脅從之赦必寬在

皇上誠溥施

皇仁凡可矜可疑之罪釋綆非其自致與夫不得已而從賊之

人思行赦免以示之寬又頒之明詔以示之信卽久於賊者亦知怙者不免而服者得生兵法有解其黨者此是也是固結人心一大機也

皇上軍國至計累嚴申飭以固備禦而臣謂備有事尤當備無事蓋今日之事起於汰兵旣於逃兵而實壞於無兵嘗見爲撫臣者皆臨賊而後募兵臨兵而後措餉秦有事而晉不動也秦晉有事而中州不動也今以次及矣非前車乎而吳蜀楚漢間猶不動也卽隔一程遠一縣亦不動也古者方伯連帥如率然在山乃震鄰而漫不加意乎其實爲揆括之後所在庫藏如洗當事者以毋動爲大莫倖萬一耳臣謂州縣藩司皆當備兵積穀若設處捐助姑且勿行務使頌之本所詞訟之有贓罰嘗規之有羨餘必明示民

間載之察盤亦入考成漸積漸復務使咄嗟之間兵餉皆可立辦毋徒曰京邊內解不可緩而海內州縣皆可空虛也亦毋曰臨時有急而後抗疏留餉也

皇上不忍取民每令諸臣從長計議然預徵設處孰非民膏而頻疏留餉後將何取臣謂不取於民宜取於

天地

自然之利如墾田以生粟秦晉被寇之地在事諸臣亦既漸漸招墾矣然必令有司盡力招撫多給牛種以墾之多寡爲官之殿最又令富商大賈出本招集多者賜以爵然後粟可生也至如開採舊有封禁爲恐墾徒聚而爲難與設官擾民耳然今日用之亦可散聚民其令出墾之地所在有司招商自開墾見而餉墾盡而止其輸金可抵留餉而輸鉛可省召買卽暫行貳叁年亦一權宜也且如臣鄉海

洋亦自然之利而當事者借禁洋爲止寇之題不知開洋  
非能致寇惟恐寇多而洋不可開耳何也自海上之臺灣  
一通而盜賊之窟穴已成禁洋船不可併禁漁船則能禁  
臺灣之往來乎且能禁我船不往能禁夷船不來乎紅夷  
咬嚼吧東西往來皆不可詰前年不禁之寇數年來禁之  
亦寇誰能謂不出洋則海中遂無可欲乎止寇者惟當安  
輯地方沿海設兵責備將領若伍遊伍寨及浙廣風南風  
北之時乘風追之邊海備之苟大將無開門之迎則亦未  
能飛渡也且洋開而商賈路通可減饑寒之盜拾之參肆  
又得歲餉肆萬以養防汛之兵若撤洋而汛併撤則賊有  
船我無兵海濱之民將何賴乎乃若所害則亦有之姦商  
竊禁貨通倭勾引與接濟賊船此撫按藩臬之臣皆得而

箝制之相機立法自有便計是在權宜行之耳總之天下  
無善法亦無弊法亦無久而不弊之法行之善則利行之  
不善則害以節義廉恥之人行法則無敗法矣以鼓節義  
廉恥之法致人則無敗人矣臣意官方肅而人心固利興  
害去所以收實效而副

皇上求治之心者如此伏惟

聖明採納施行

崇禎伍年拾貳月貳拾日

陸年正月初捌日奉

聖旨朝廷恩威正與臣下節義相成寬嚴自有裁酌餘所奏已  
俱有旨了該部知道

刑科給事中臣李世祺謹

題爲軍政與吏治俱弛將才與治才竝急乞因冢樞受任之始蚤籌蓄艾之方事臣竊觀今天下亦多故矣虜寇未殄兵革連年於是

皇上拊髀而思將帥之才百端以獎飾之而未有以應也貪墨成風撓敗疊見於是

皇上慨然而歎股肱之情百端以磨礪之而亦未有以應也臣以此二者樞臣與冢臣任也今張鳳翼李長庚二臣起自田間相繼到任蒙

皇上特達之知當中外顛顛之望此其胷中必有成畫非嘗試而漫爲明矣

皇上試進樞臣而問之曰今奴孽在外叛寇在內欲求強兵之

策而兵不强也莫重於京營而京營之單弱如是莫親於禁旅而禁旅之單弱如是莫危於九邊而九邊之單弱如是既單弱矣何徵芻索餉惟日不足乎既徵芻索餉如是汲汲矣何單弱之終無起色乎將無冗食者當汰乎虛籍者當補乎汰之而能無譁乎補之而能無逃乎將即汰即補使弱者强乎即補即汰使虛者實乎凡此皆樞臣所宜熟籌也

皇上復進而問之曰今九邊之將帥俱可倚仗乎各路之征援究可立功乎如關門之以左帥爲長城也可終信乎即左帥可信而爲左帥之後勁者誰乎烏帥之觀望能保其不通賊乎即孔賊旦暮授首而烏帥將終置乎將遂撤乎置之有類養癰撤之能必奉令乎苟不奉令而能入其軍奪



其將者誰乎勦寇之能辦者曹文詔耳爲文詔之續者誰乎若怯懦不前之張應昌可終望其殺賊乎不能殺賊而誰可代之乎閩中之恃鄭芝龍也今誠力戰矣保其不養寇爲重乎卽芝龍能滅賊更無一繼芝龍者以叅之保其不跋扈乎問之而樞臣夾袋中有人焉惟樞臣之所用不然恐七年之病未可卒瘳也

皇上試進冢臣而問之曰今吏日偷矣民日病矣將惟是考成之

功令遂足分殿最乎撫按之薦贖遂足定人品乎  
功令之所繩薦贖之所及薦贖之所棄

功令之所收將何法以通其竅乎吏之貴久任也爲畱良也  
今通賦一日未完則地方一日不去賢者而久畱可也不

肖者亦久留不幾借督通爲戀羶地乎則一切之法或難終行乎三代之士重道德不重功名秦漢之士重功名不重富貴是以有塵生甑中之節約泉不惑之操今將何法以風礪之乎意者懲貪之令雖嚴而獎廉之典未舉故吏皆苟免而無耻心乎凡此皆冢臣所宜深計也

皇上復進而問之曰今之督撫有可倚仗者乎今之司道有可爲督撫者乎今之清卿有可出而節鉞者乎何遷轉之時覺人才之多而壅任事之日覺人才之窘而窮乎前者宣雲東省秦晉各撫之屢用而屢敗也或用非其人而敗或用違其才而敗今之用者可保其不敗乎一不保而堪代者誰乎問之而冢臣夾袋中有人焉惟冢臣之所用不然恐三年之艾不可不蓄也夫二臣者時望攸歸朝氣方銳

臣非先以此言爲二臣難也誠見今天下安危所係全在  
冢樞

皇上所鄭重而慎擇之者亦惟冢樞冢樞得其職而天下治矣

故臣願

皇上時進二臣而講求之也

崇禎伍年拾貳月貳拾壹日

陸年正月初捌日奉

聖旨文武幹辦全在銓樞遴用已屢旨責成言官果有確見宜  
據實指陳何得設端預揣有意抑揚至本內所論鎮將事情  
殊屬疎率姓氏且訛又不稱名李世祺詳覈何在該部知道



工部尚書臣周士樸等謹

題爲恭報新置器甲等項以便稽覈以資防禦事虞衡清史司案呈崇禎伍年拾貳月貳拾肆日奉本部送准湖廣巡撫唐暉咨前事內稱先准工部咨該前院魏光緒題奉

聖旨該部知道內諸葛弩併皮紙甲各進幾件來覽欽此欽遵移咨到職謹遵

明旨移送諸葛弩貳件皮甲貳件紙甲貳件呈進

御覽再矧弩弓之力與徧架弩相似亦可發一箭遠第紙甲雖極費工本製造止利用於南可當苗夷之毒弩倭夷之鉛彈故閩浙之兵皆用紙甲實不能抵北虜之強弓利鍛也且到京驗試不過貳叁拾步之外以箭射之無有不透之理必不立於捌玖拾步而方試也惟皮甲實堅使可用等

崇禎不實正金 卷一  
因到部送司奉此相應具本

進呈案呈到部該臣等察炤該撫咨內開送諸葛弩貳件皮

甲貳件紙甲貳件看驗明白理合隨本

進呈

御覽謹具題

知

崇禎伍年拾貳月貳拾捌日

陸年正月初捌日奉

聖旨這進覽弩式箱內無箭弦僅用蒜其堆放把握等處俱多  
窄礙且機牙不堅何以射疏命中至皮紙二甲矢鏃易透仍  
未見輕便利用呈覽尚然如此其餘不堪可知魏光緒前奏  
顯屬飾詞姑不追究該衙門知道

禮部主客司署員外郎事主事臣袁繼成謹

奏為

主聖臣直懇乞

睿度優容以擴言路以光

泰運事臣聞

天道以廣運為功

聖人以并容成量自昔三代明王皆建輶懸鐸廣來諫諍聞益

聰明使治亂日聞姦萌戢志此道行也恭惟

皇上

謙流江海

益鼓風雷

好問好察雖布衣賤隸皆得自陳幾幾乎喜氣隆風於茲再

見無何近日言事諸臣持論過激致干

聖怒南部臣周鑣且削籍矣嗟嗟鑣以疎逖小臣狂瞽觸忌罪誠自取然竊以爲非

皇上求言

盛心也

皇上之怒周鑣曰朋比沽名耳臣謂世所云朋比者必其熱可免翼可傳今鑣所條列大半皆已破之甑垂危之綆鑣又遠官南中與諸臣無朝暮之歡肺腑之暱何所私何所利而比之乎至名實之際雖至愚猶審輕重鑣蒙

皇上厚恩起家郎署使其優游養資不出數年可致崇撫上緣心知腸熱感慨批鱗干冒

宸嚴綸淪氓庶此豈臣子所願而乃以爲名哉且



皇上不欲臣下沽名莫若收其名以還歸之

上唐臣陸贄有言諫者多表我之能受諫者激表我之能容使

鑣言當

皇上力行之能受之名在

皇上鑣言不當

皇上姑置之能容之名亦在

皇上如此播諸天下書諸史冊

上有轉圜之美下無折檻之聲雖欲沽之爲名其可得耶抑臣

更有進焉自古聽言之難不難遜心而難逆耳故書取暝

眩詩喻芻蕘狂夫之言聖人所擇聞鑣所陳或風聞譎實

然中多指斥內臣之言一旦以此得罪恐諸臣相顧以鑣

爲戒內臣之過壅於

上聞非所以通羣情杜姦慝也語云山有虎豹蒺藜不採

皇上養諫臣之氣政以制積久之牙前車不遠願

皇上詳計之臣生平孤立素恥依傍一片血誠實從

君國起見豈區區爲周鑣地也伏乞

皇上不遺葑菲

俯賜優容卽斥鑣之身猶望

察鑣之言使羣臣曉然

皇上求言之意不至以鑣爲戒風雨露雷鼓舞不測

聖人操縱大權無出於此惟

聖明裁擇焉

崇禎伍年拾貳月拾柒日

陸年正月初捌日奉

聖旨周鑣已有旨了袁繼成不必濟陳該部知道



吏部尚書臣李長庚等謹

題爲缺官事文選清吏司案呈炤得福建按察司副使兼布政使司右叅議管糧帶催料價王敬錫陞任員缺合當推補案呈到部炤例推舉得浙江布政使司右叅議貢修齡四川布政使司右叅議朱瀛達俱堪陞任福建按察司副使兼布政使司右叅議管理前項事務伏乞

聖明於內

簡用壹員

計開

貢修齡

朱瀛達

崇禎陸年正月初陸日

初玖日奉

聖旨是有點的依擬用 正有點

賈升錄

共開

開開堂員

聖開休內

外兼本知外戶亦奉給字號前取事給外了

四州市知外戶亦奉給米嘉外知外戶亦奉給實計能

酌奉呈臣特取開外舉計能外年知外戶亦奉給實計能

知外戶亦奉給實計能外知外戶亦奉給實計能

賤直知實事文恩前文戶亦奉給實計能外知外戶亦

更將尚書目字亦與奉給

吏部尚書臣李長庚等謹

題爲缺官事文選清吏司案呈炤得江西布政使司右叅政  
兼按察司僉事分巡湖西道兼理袁州兵備洪雲蒸調任  
員缺合當推補察得前缺原係按察司官管理案呈到部  
炤例推舉得江西布政使司右叅政周汝弼右叅議金肇  
元俱堪任前缺伏乞

聖明於內

簡用壹員

計開

周汝弼

金肇元

崇禎陸年正月初陸日

聖旨有點的依擬用

正有點

初玖日奉

國文

情開

國文員

望即休內

本則聖旨前知外子

朕聞那舉科以西不效外臣本奉恩同效擬本奉補金華

員知合當舉辭舉科前知朕科舉家臣官督默案呈因將

兼好舉臣合軍令並賦何直米恩來供其樹德靈蒸國子

朕與知官軍大聖前更臣案呈朕科以西不效外臣本奉恩

更得尚書日卷是與等對



吏部尚書臣李長庚等謹

題爲缺官事文選清吏司案呈炤得山西布政使司右叅政  
兼按察司僉事駐劄代州分管廣武北樓平刑等處胡沾  
恩陞任員缺合當推補案呈到部炤例推舉得山西按察  
司副使田時震湖廣按察司副使陳儀俱堪陞任山西布  
政使司右叅政兼按察司僉事管理前項地方事務伏乞

聖明於內

簡用壹員

計開

田時震

陳儀

崇禎陸年正月初陸日



兵部尚書臣張鳳翼等謹

題爲秦盜稍得清理晉盜正在披猖臣同陝西撫按諸臣仰  
遵屢奉協勦

明旨督發秦中官兵渡河赴晉力圖勦滅併陳臣等堵河夾擊  
善後事宜仰祈

聖鑒事職方清吏司案呈崇禎陸年正月初壹日奉本部送兵  
科鈔出陝西總督洪承疇題前事內稱炤得秦中肆伍年  
荒盜異嘗臣受

皇上特達隆恩拚命奔馳特下渠魁稍得誅勦巢穴稍得清理  
第久壞極敝殘局一旦略有收拾漏刃賊孽與解散脅從  
數千里之間無地無之情形可虞隱憂正大非歷至明年  
肆伍月大盜不至復起必不敢以爲無事惟在殫此心力

竭此項踵隨時隨處料理善後期於漸次卽安庶幾仰釋  
聖明西顧之憂俯盡臣等職分於萬一陝西臨洮鎮臣曹文詔  
忠義性成謀勇夙授在秦晉征勦流賊參年破大敵殪大  
盜真如摧枯拉朽身到成功歷戰歷勝英風壯略有古名  
將之風今時諸將罕出其右部下將領如實授遊都等官  
馬科曹變蛟馮舉曹文耀平安劉成功刁明忠實授守備  
如賁承芳龔建爵翟應祥武士選李登榜張鳳張陞張德  
昌王國忠等皆桓趙奇儔每次衝鋒破敵勇敢無雙臣若  
畱之秦中足以寒姦宄之膽預善後之圖誠爲刀省功多  
但臣與陝西撫臣練國事延綏撫臣陳奇瑜陝西按臣金  
蘭張應星往來商議秦晉逆寇猖獗致塵

皇上宵旰臣等何敢以秦中未盡賊孽久頓勝師精兵於是遂

一挑選屢經戰陣馬步官兵參千伍百員名嚴行藩臣李  
喬借動司庫不拘何項遼餉站價銀兩一一措給行糧找  
補功賞督令曹文詔親統官兵於本年拾貳月初柒日自  
慶陽府啓行繇邠乾涇陽華州潼關渡河直抵山西蒲州  
河津賊聚等處轉至平陽潞安一帶各賊肆犯地方同晉  
中官兵相機速圖勦定惟是文詔旣偕各將兵馳赴晉地  
秦中聲勢甚減彈壓無資臣等不得不督率各該道將所  
在竭蹶支撐惟力是視如環慶尚有脫漏頭目散賊輿解  
散脅從饑寒迫切之衆臣已選畱寧鎮官兵壹千名委監  
紀同知劉三顧親行監營與各原委將領吳弘器王永祥  
屠師賢賀讚劉國臣等領兵時刻巡防於鐵角城東西如  
延鎮西路定邊三山饒陽等處及寧鎮東路花馬池後衛

山萌城等處再委標下中軍副將左光先領兵丁陸百名  
協同慶陽營守備趙光遠領兵肆百名時刻巡防於合水  
東華池楊家寨棗林坡槐安業樂鐵角城及寧州真寧三  
水淳化交界各期多方往來稽察不許擁兵坐守城堡之  
內如解散脅從民人安分守法則善加撫恤若再有糾聚  
劫搶生事卽行擒捕勦除延綏寧夏地方仍責成署定邊  
副將尤翟文花馬池副將孟應熊各協同該廳將在於本  
屬營堡巡防延西地方責成靖邊道臣戴君恩隨時相機  
察核提調環慶地方責成慶陽道臣朱純隨時親行所屬  
嚴謹巡防夫大盜縱橫大巢結聚之日各道將猶藉口必  
須大將大兵必須巨親身督理今大盜暫已勦除大巢稍  
已清理大將大兵未有用處全在用心細密時刻哨防應

安卽安應勅卽勅臣又雷有巡防廳將兵馬按時催給錢糧各該道將再有悠忽從事不真心幹濟力圖救寧地方遼闊臣一手一足勢必不能周徧臣卽以後來某處盜賊生發與否地方妥與否明告

皇上卽爲各道將一定功罪臣時下不敢久駐環慶卽親督選雷甘鎮官兵壹千叁百名於拾貳月初拾間馳赴鄜延上下料理堵河善後事宜若南自韓城雒川宜川直至延長延川清澗綏德吳堡葭州計壹千叁肆百里俱臨黃河與晉中止隔一水茲河水旣堅秦晉一家若晉中勅急所在皆可渡秦必分有官兵派定信地擺河扼堵方爲夾擊至計如韓郃副將張全昌統官兵壹千貳百餘名應扼堵韓城雒川兩縣河口潼關道臣張維世應往來韓城親行提

調臣督甘鎮官兵壹千叁百名應扼堵宜川延長延川叁  
縣河口鄜州道臣候推補到任應往來河干親行提調延  
綏鎮臣王承恩親統官兵壹千伍百名應扼堵延川清澗  
交界及綏德義合各處河口併分兵扼堵於吳堡葭州河  
口榆林道臣張伯鯨應時赴綏德與鎮臣共議擺防署孤  
山遊擊卜應第應分發兵丁捌百名扼堵於神木府谷各  
縣河口神木道臣李之茂應時赴親行提調監軍道臣樊  
一衡統兵柒百名應聽臣分委各處察核務期遠哨嚴堵  
如賊勢零小各夾擊於本地方若賊勢重大鄰近地方將  
兵不待遣發各卽飛馳合擊至臣一身止能相度緩急馳  
赴調度勢不能南北上下分身竝到臣卽以晉賊從某處  
河口越渡與否明告



皇上爲各鎮道將一定功罪此外有選刺甘鎮官兵壹千捌百餘名皆遠戍疲苦思歸日久不容再畱又恐回兵入衆沿途騷擾甚爲不便原任甘肅鎮臣楊嘉謨自崇禎貳年領兵薊遵勤

王崇禎肆年春間奉

旨領兵順勦流賊奔馳至今功績最著勞苦至極臣一面督令統領前兵赴甘鎮交割藉以沿途彈壓嚴加約束俟其少加休息明歲春間仍親領內丁赴延慶聽臣調度選刺寧鎮疲弱官兵陸百名該鎮鎮臣賀虎臣在延慶征防兩年有餘功苦俱著臣已督令統領前項兵回寧鎮料理邊防事務臣於此猶有說焉從來欲責大將成全功必先一事權各處將兵皆如指臂相使前後左右無一牽制掣肘

之虞然後出令調遣可收滅賊戡亂之功鎮臣曹文詔乃陝西臨洮總兵臣等督發赴山西勦賊彼處有晉中各鎮將兵又有節次遣發延鎮李阜艾萬年賀人龍等將兵素非節制彼此橫分倘文詔之事權不當場之提掇不靈各將之精神渙散則文詔猶止當一面之寄未爲委之以全局倘蒙

皇上鑒文詔殺賊屢效堪以付託乞

聖明裁斷將秦晉將兵悉聽節制俾文詔拚命滅賊無掣肘推卸之端各將兵協力共圖勦定無橫分意見之虞事權旣已畫一庶幾其有成功至於文詔部下遊都守備等官如馬科曹變蛟馮舉曹文耀平安劉成功刁明忠賈承芳龔建爵翟應祥等征戰久苦鐵角城又各著功績實缺未膺

或先量加銜實授以示鼓舞用人之權總恭聽

聖明鑒裁實非臣等所敢自必也臣謹會同陝西巡撫練國事  
延綏巡撫陳奇瑜陝西巡按金蘭張應星合詞具題伏乞  
皇上勅下兵部覆議施行等因崇禎伍年拾貳月貳拾捌日奉  
聖旨覽奏督發將士會晉協勦併該省分地責成道將各官巡  
防扼堵事宜具見籌畫調度如有玩泄疎誤的卽指實叅處  
其曹文詔節制及馬料等加銜實授該部作速議覆欽此欽  
遵鈔出到部送司案呈到部看得曹文詔之渡河而西也  
建大將旗鼓與甘寧諸將協力齊心三秦底定厥功甚著  
今復東渡入晉欲繇蒲州河津等處轉至平陽潞安一帶  
其挑選馬步官兵參千伍百員名皆慣戰之精勁也臣部  
議爲應援遊兵會同督撫相機掃蕩今督臣洪承疇以大

將成功事權須一欲令秦晉諸將盡歸節制可無掣肘推卸之端殊屬師中長慮除鎮臣張應昌比肩共事應和衷商確機宜其餘秦晉副叅遊都等官合聽文詔調度庶機權畫一提掇俱靈至於文詔部下遊都守備等官馬科曹變蛟等在秦屢著戰功見在察敘今又入晉殺賊應先分別量加職銜以示鼓勵秦功既類敘在卽晉中若倍著成勞將來從優陞賚知

皇上所不靳也既經奉

旨議復相應覆

請伏乞

命下將原任守備曹變蛟加貳級原任都司僉書馬科馮舉劉成功各加壹級俱實授遊擊職銜原任守備平安刁明忠

賈承芳翟應祥曹文耀各加壹級俱實授都司僉書職銜  
察襲建爵已經奉

旨革職解京究問未便加銜今見在行間姑著戴罪殺賊自贖  
宗禎陸年正月初柒日

初玖日奉

聖旨將權專一方可責成曹文詔屢著戰績已有旨彙敘著先  
加陞一級節制秦晉諸將仍與張應昌協謀討賊共奏膚功  
鎮臣原無在外委用之理尤世祿應否共事行間何未見議  
及曹變蛟馬科等加銜實授俱依擬襲建爵逮問緣繇著再  
奏奪



監視薊鎮東協署理關寧糧餉兵馬邊牆撫賞事務太監臣張國元謹  
題爲遠哨事本年正月初捌日卯時准寧前道塘報開稱本  
月初柒日未時據前鋒右營中軍蔣懷玉報稱前事案炤  
本營於本月初叁日摘差守備張進功帶領漢夷兵馬出  
牆遠哨緣繇業經塘報外今於初柒日寅時分據本官回  
營報稱功等於初陸日申時分哨見駱駝山平山黃佃子  
蓮花山一帶俱有達子結連不斷往西徑奔大嶺行走處  
處放火等情馳報到職據此卷察去年拾壹月分達賊亦  
來此處貳次卑職俱有塘報今據哨報達賊仍來此處夷  
情叵測突犯之舉未可必也除卑職復差千把總領兵哨  
探外請乞各處嚴諭等因塘報到道等因塘報到臣該臣  
看得夷僧叁逐又遣番文於境上竟燒絕之則其挾憤狂

逞勢所必至今哨見駱駝山等處一帶山川夷部接連不  
斷直奔大嶺此爲西行之路但不知猝犯何處臣隨移文  
關內撫鎮道臣楊嗣昌等關外撫鎮道臣方一藻等嚴加  
哨探萬分隄備不得以泛嘗視之既經塘報前來理合具  
題

崇禎陸年正月初捌日

初玖日奉

聖旨據報賊夷西行顯有突犯狡謀關寧及薊密宣昌等處著  
各該督撫鎮道恪遵屢旨上緊蒞防鼓勵精銳相機勦禦毋  
得少疎仍確探情形不時馳奏兵部星速嚴飭



吏部尚書臣李長庚等謹

題爲缺官事文選清吏司案呈炤得雲南布政使司右叅政  
兼按察司僉事駐劄六涼衛專管分巡臨元道謝士章致  
仕員缺合當推補察得前缺原係按察司官管理案呈到  
部炤例推舉得兵部武庫清吏司署郎中事司務唐咨禹  
署員外郎事司務唐世熊俱堪陞任雲南按察司僉事管  
理前項地方事務伏乞

聖明於內

簡用壹員

計開

唐咨禹

唐世熊



戶部尚書臣畢自嚴等謹

題爲漕糧拖欠總因米色不堪米色不堪皆係共同抽和責  
有司禁包攬豫以米色呈樣則積弊可除漕政可飭事雲  
南清吏司案呈崇禎伍年拾貳月初拾日奉本部送戶科  
鈔出監視薊鎮西協太監鄧希詔題前事內稱炤得漕運  
之弊至今日極矣然其來也有源而其流也愈甚弊之難  
革總緣州縣正官視衛弁如土芥而偏於爲民以爛惡之  
米強官旗兌領至於起糧虧欠止就官旗追比而罪又不  
及有司是以充之日米係州縣佐貳官收買已有一番侵  
漁而本境土棍積姦包圍粗惡強兌米之不堪拾分已先  
居其貳叁矣兌之後船其盜賣插和行姦賄賂通同濫爲  
收入米之不堪拾分不共居其陸柒乎因是濕爛因是虧

折共相拖欠年復壹年弊之襲也寧可革也臣前題爲灼見弊源敬陳末議等事而首以先呈米樣蓋爲此哉今於拾壹月拾玖日據領運崇禎陸年分糧務臨清衛前幫運糧指揮使狄永靖十戶徐希孔張啓榮馬化龍等呈稱職等蒙委領運崇禎陸年分漕糧督押船隻齊集水次候充所有應兌河南漕糧俱係各州縣佐貳官領銀在於直隸大名府地方小灘鎮收買貯廠兌運僅完拾之叁肆遍閱木色僅有扶溝輝縣貳縣雖有穀秕猶未浥爛其祥符襄城陳畱杞縣等州縣不止夾雜糠粃且濕浥腐爛難以領兌縱蒙督糧道牌示開兌而不堪者令以曬揚乃各解官廣布錢神上下朦蔽絕無有遵行之者况更有無官而快手代買有生員代買有官與快手皆無而并米未有此皆

繇往係民運而民皆殷實大戶各愛身家無敢違錯今則  
佐貳鑽營管解先已剝削一番及至小灘又有本境土棍  
積年包圍專買糠粃粗濕惟知射利不顧法條或遇糧道  
驗時行賄衙役諸人巧粧好米呈樣而實係不堪儻如官  
旗或出一言則衆口交攻便誣禍詐官旗受害痛不忍言  
邇來

功令森嚴曷敢輕免以至誤

國并誤身家今將各州縣米樣呈驗懇乞具題責令員役各  
將自買米石解赴倉口自行交納職等止出船隻裝載旗  
軍撐駕其姦惡員役并包攬人等拏究正法等情據此則  
漕弊之深誠不可不嚴爲整飭矣然其整飭之要孰有過  
於驗兌時之米色乎此時不確爲驗定合州縣與運官而

兼受任焉則明歲通同串和以爛惡者上倉以爛惡者收  
放皆得藉口而其弊更有甚於今歲矣今西協漕米俱係  
河南山東各府州縣兌運而來則所嚴者惟有在河南山  
東之糧道而已合無今歲交兌必有司與運官親自授受  
其快手生員土棍包攬人等一槩不容米色不堪無論有  
司不許擅交卽運官不許擅領果其米色乾潔方許運  
官面同州縣掌印呈過督糧道親驗然後將此樣米壹  
樣參袋用印蓋封以一呈通州戶部驗確方爲完運一呈  
密雲戶部驗確方准收倉一以呈臣聽臣掣驗美惡稽覈  
情弊如臣前所條議有米樣原是不堪者題叅州縣掌印  
并委買佐貳等官其米樣原好而今則不合叅罪領運官  
旗而不准收納如或相合皆好方准收之則彼處交兌之

弊可除而此處收納之弊可少糧米方可乾潔而用以給  
兵皆各受其實惠矣若夫包攬土棍必本處之撫按嚴行  
訪察著實罪懲則包攬無人買米之官又寧敢買其爛惡  
也頃今方在兌領嚴爲整刷全在此時懇乞

嚴飭該部轉行巡漕作速責令督糧道必著州縣印官封呈樣  
米壹樣叁袋并佐貳買米必於乾潔而土棍包攬一切嚴  
繩否則題參毫不寬假則漕政急務此可以少爲振舉乎  
等因本月初陸日奉

聖旨邊鎮軍糈豈容攙和秕浥兌運愆期經管官玩視邊儲好  
生可惡這祥符等縣印官及領買佐貳俱著該撫按據實叅  
來本內責成糧道嚴禁包攬呈驗米樣及有司運官親自授  
受分別叅處等項有裨釐覈不獨西協著各鎮一體飭行該

部卽與詳覆欽此欽遵鈔出到部送司察得西協監視題議  
有司與運官面同呈驗米樣責成督糧道印封并嚴禁包  
攬分別叅處緣繇除遵奉

明旨呈堂咨行該省撫按察核攬和叅處并劄收受漕糧各鎮  
一體飭行外其責成糧道嚴禁包攬呈驗米樣及有司運  
官親自授受分別叅處等項旣經奉有

明旨相應議覆案呈到部該臣等看得邊糧運自漕糧實爲三  
軍命脈而州縣尤爲漕糧根本之地欲求乾潔必責正官  
固已操其要領而包攬一弊更爲蠹害之源不得不亟爲  
嚴別者西協監視鄧希詔疏中條畫甚晰所當如議行令  
河南山東撫按專責督糧道廣諮密訪無論勢要土豪生  
員快手人等凡有包攬買納悉行嚴拏盡法追贓究遣務期



根株斬盡勿令暗滋萌長至於米色責成督糧道於州縣  
呈報徵兌之日赴倉親驗如有插和糠粃沙水等弊應曬  
揚者卽行曬揚應易換者卽行易換務要乾潔方准開兌  
仍令運官與該州縣正官當面公同察驗將米一樣裝置  
叁袋用印鈴蓋封記一呈起米部司一呈收米部司一呈  
本鎮監視驗對明確方准起運收受如有原樣乾潔而船  
米粗惡則係官旗插和不准交納仍行叅處運官如係原  
樣粗惡則係州縣插和叅處州縣正官并及買米委官是  
則不以軍民異視文武殊懲運弁有司自當互相儆惕何  
敢恣爲插和哉至於關寧海運本色津門原有樣米之例  
至薊永昌叁鎮邊糧及截留漕糧亦炤此例行之則所裨  
於軍儲

國計者良不淺矣既經監臣具題前來相應覆  
請恭候

命下臣部行文各該衙門一體欽遵施行

崇禎陸年正月初捌日

初拾日奉

聖旨這呈驗樣米及禁革包攬糧道有司察覈米色公同闢兌  
等事俱依議各鎮邊糧及截畱漕糧一體飭行

戶部尚書臣畢自嚴等謹

題爲庫貯各項匱乏亟請緊要錢糧以濟急需事新舊貳餉  
司案呈崇禎伍年捌月初拾日奉本部送戶科鈔出該本  
部題前事議覆山水巡撫楊嗣昌請還新舊官兵借過關  
庫銀兩緣繇內稱關撫計切綢繆爲未雨之防開列款項  
爲有據之請臣等獨無同心哉但索之臣部者稱係崇禎  
貳年虜入內地餉道中斷餉司原借關庫銀貳項計壹萬  
柒千玖百餘兩其爲水平餉司所應還者壹萬肆千伍百  
壹拾貳兩零其爲新餉所應還者叁千肆百兩雖補還無  
得推諉而著落宜求明白恐當日軍旅控餉大凡庫貯銀  
兩通融取給亦未可知使原無借還之議則軍餉軍需各  
有司存臣部不任代償於叁年之後也容臣部移咨該撫

督同餉司務察明確回報臣部酌量補還庶錢糧可獲清楚等因。初月，初玖日奉

聖旨知道了。卽著該餉司詳察確報，不得涸率。欽此。欽遵。鈔出到部。送司。隨卽移文該撫及水鎮餉司察報去。後續據永平餉司羅應許呈准關內道右叅議陳瑾會送前任兵備副使王楫准永平餉司陳此心會借管關廳庫貯銀兩給放營路號領原卷到司。逐一備細開揭呈報等因。計開主兵舊餉崇禎貳年拾壹月初陸日山海路叅將申其佑下委官李遇春借支崇禎貳年捌月分廩糧薪水布花共銀壹千壹百伍拾壹兩貳錢壹分捌釐伍毫叁絲。又借支本年玖月分廩糧薪水共銀壹千壹百陸拾壹兩叁錢捌分壹釐肆毫柒絲貳拾陸日石門路委官劉中受借支崇禎

貳年玖月分廩餉銀玖百伍拾柒兩伍錢捌分貳釐叁毫  
大毛山提調趙應元下委官查添爵借支崇禎貳年玖月  
分餉銀伍百柒拾叁兩肆錢伍分陸釐叁毫貳拾捌日又  
委官查添爵借支本年拾月分餉銀陸百肆拾捌兩玖錢  
肆分陸釐叁毫義院口守備駱子秀下委官周進忠借支  
崇禎貳年捌月分布花銀柒百陸拾壹兩叁錢伍分黃土  
嶺守備胥國相下委官龔光緒借支崇禎貳年捌月分布  
花銀伍百捌拾捌兩玖錢叁分拾貳月貳拾日大毛山委  
官馮國卿借支崇禎貳年拾壹月分餉銀陸百肆拾玖兩  
陸錢肆分伍釐玖絲貳拾壹日黃土嶺委官楊呈茂借支  
崇禎貳年拾月分餉銀肆百捌拾柒兩貳錢肆分柒釐伍  
毫伍絲又借支本年拾月分各官薪水銀貳拾貳兩肆錢

貳拾玖日山海路委官祝秉權借支崇禎貳年拾月分餉銀壹千叁百玖兩壹錢陸分伍釐叁年正月初壹日義院口委官周進忠借支崇禎叁年正月分草乾銀壹百肆拾貳兩壹釐貳拾捌日黃土嶺委官左承舜借支崇禎貳年拾壹月分餉銀伍百柒拾兩叁錢叁分肆毫陸絲伍忽又借支本年拾壹月各官薪水銀貳拾貳兩肆錢叁拾日又委官龔光緒借支崇禎貳年捌月分各官薪水銀壹拾肆兩又委官周文純借支崇禎貳年玖月分各官薪水銀壹拾肆兩一南兵營將官趙業耕下崇禎貳年拾壹月貳拾陸日南兵石門路委官楊國用借支崇禎貳年玖月分餉銀壹千捌百伍拾肆兩捌錢陸分南兵山海路委官楊國用借支崇禎貳年玖月分餉銀貳百玖拾貳兩捌錢拾貳

月拾貳日又委官吳福借支崇禎貳年拾月分餉銀壹千伍百兩以上共銀壹萬貳千柒百貳拾壹兩柒錢壹分肆釐伍忽又給散新餉崇禎貳年拾壹月拾壹日山海關外羅城守備石岐下委官吳得功借支崇禎貳年拾月分餉銀柒拾玖兩伍分貳拾日南海口沙兵千總趙德陽下委官劉福才借支崇禎貳年拾月分餉銀貳百肆拾叁兩叁錢貳拾陸日南兵石門路委官楊國用借支崇禎貳年玖月分浙兵餉銀捌百捌拾兩伍錢拾貳月拾壹日山海關外羅城守備石岐下委官吳得功借支崇禎貳年拾壹月分餉銀柒拾陸兩柒錢叁分伍釐拾捌日黃土嶺守備胥國相下健丁委官孫尚禮借支崇禎貳年拾月分餉銀壹百肆拾兩肆錢貳拾壹日南海口沙兵千總趙德陽下委

官高尚信借支崇禎貳年拾壹月分餉銀貳百叁拾伍兩壹錢玖分崇禎叁年正月貳拾捌日黃土嶺守備胥國相下委官左承舜借支崇禎貳年拾壹月分健丁餉銀壹百叁拾伍兩柒錢貳分以上共銀壹千柒百玖拾兩捌錢玖分伍釐等因到部送司察得山水巡撫原題借過新舊貳餉共銀壹萬柒千玖百壹拾貳兩陸錢玖釐有奇應於戶部補還今據水平餉司呈報新舊止該壹萬肆千伍百壹拾貳兩有餘比該撫所報少銀叁千肆百兩應行山海寧遠餉司再一察確前借的係若干呈堂駁察去後今據山海餉司王鰲永呈稱准山水撫院手本察得山石貳路舊餉應支於水平崇禎貳年之冬叁年之春不得已而借關庫軍需積至壹萬肆千伍百壹拾貳兩零已經永鎮餉司



呈報內部至於原題多銀叁千肆百兩係關外祖鎮借支之數應於寧遠餉司揭察又非水司所得而知者等因准此看得水平借支管關庫銀壹萬肆千伍百壹拾貳兩充山石貳路新舊兵餉應於水平餉司項下察還又關外祖總鎮入衛借支關庫叁千肆百應於關外新餉項下察還者非謂壹萬柒千餘兩總該水平餉司內全償也等因到部奉批關庫借過餉銀原未經絲餉司則出納之當否何從知之况撫道叁年不言而今始言水餉曾經請補一番竝無此項殊不可解新舊兩餉司再一察議題覆目今

功令森肅豈敢有意捱延惟期於當而已又據關外餉司韓謙呈稱准山水撫院揭帖前事察得夷丁所借關庫銀肆百兩已經寧前道詳請閣部蒙批此無糧夷丁也當以夷

攻夷何得不暫以犒爲糧况攻凜用命可憫其未扣銀肆  
百兩據屢議免扣繳已准開銷毋容再議又察修守道所  
借銀參千兩蓋因貳年冬逆奴犯西勢急祖鎮提戈赴援  
所以呈請閣部借關庫銀參千以爲援兵路費犒賞但比  
時借絲總鎮發絲關庫職庫並無存扣此項銀兩若必欲  
取償職司是桃僵而李代也參千金可混行支銷耶其應  
否開銷果否補償總非本職所敢輕議等因到部蒙批關  
外應援官兵原借關庫銀參千肆百兩據呈則肆百兩似  
已開銷其參千兩原係犒賞之需非正餉也應否本部補  
還新餉司察議妥確彙題送司奉此相應酌議具覆案呈  
到部該臣等看得關庫借支錢糧據稱皆因貳參兩年虜  
警之際閣部督師通融取給以爲一時月糧犒賞之需者

在關庫既未開銷則此項終無著落此關廳力求明白以爲銷算而撫臣急索補還以實軍需者也但臣部雖不敢推捩作膜外之觀亦何敢勝率爲無名之償意當日夷情空德征調倉皇討者望門而索與者隨求輒應總期一時有濟緩急故錢糧不暇自分畛域耳前該撫題

請補還時臣部原無隻字存案故覆行餉司確察回報臣部酌量補還而

明旨亦謂不得涸率矣今據各該餉司續報前來臣等取其項款而一一覆閱之其在山石貳路借給新舊兵餉者計壹萬肆千伍百餘兩察係貳年之冬京運阻絕參年之春水城殘破卽餉司且陷虜無蹤而各軍亦烏散無紀矣彼時關內道廳哀其窮而量行借給者有之但水平餉司迄今

竝無案卷其所憑者關內道廳之原卷耳若關外西援官  
兵所借庫銀叁千肆百兩其肆百兩已蒙閣部批准開銷  
其叁千兩係祖總鎮呈請閣部批允作犒賞銷算者原無  
月餉抵還之議又安得徑索之臣部也且該撫道數年以  
來併無一言及此今乃突索一旦卽該廳卷案有據何故  
前於餉司寂無一言此臣部從前所不敢以冥冥決事者  
也今往返稽察而原借款項始備開到部顧臣部艱難之  
狀卽遠年各鎮積欠月餉已屢告

皇上無從議補而欲代還原未報部之宿帳勢能及乎臣部未  
敢懸斷合請

聖明裁奪或念錢糧支用有據應准該庫將壹萬肆千伍百餘  
兩作正開銷不必議補或念該關軍需緊急將前項借支

銀兩分作兩年著新舊貳餉司各炤原借數目陸續補還  
庶不致彼此爭執而葛藤無已時也伏候

命下臣部轉行各該衙門遵奉施行

崇禎陸年正月初捌日

初拾日奉

聖旨知道了永鎮借過關庫銀一萬四千餘兩著新舊餉司於  
兩年內炤數補還取該撫監實收奏明